



Årsmelding 2021

Stiftinga Gloppen Frivilligsentral

1. Innleiing.

Stiftinga Gloppen Frivilligsentral er lokalisert på Sandane i Gloppen kommune. Frivilligsentralen blei skipa 16.oktober 1991 og har i år feira 30års-jubileum. Vi samarbeider med privatpersonar, lag og organisasjonar, Gloppen kommune og andre offentlege instansar for å stimulere til og samordne frivillig innsats i kommunen vår. Gloppen Frivilligsentral driv i samsvar med gjeldande retningsliner, vedtekne målsettingar og dei lover og reglar som gjeld for private stiftingar. Gloppen Frivilligsentral er medlem av Frivillig Sogn og Fjordane og Norges Frivilligsentraler.

2. Tilsette.

Gloppen Frivilligsentral har 100% stillingsressurs. Det har i 2021 vore fordelt på to tilsette; dagleg leiar Elfrid Rauset Håheim og Anne Neteland Andenæs. I tillegg har vi vore heldige å hatt ein ekstra medarbeidar, Olin Almenning i ei prosjektstilling i samarbeid med Gloppen Pensjonistlag. Prosjektet si målsetting er å skape møteplassar for eldre og styrke besøksvennordninga i Gloppen.

3. Styret.

Årsmøte i Stiftinga Gloppen Frivilligsentral var 10.05.21. Styresamansetting etter årsmøte:

Styreleiar:	Anders Ryssdal
Nestleiar:	Else Tystad
Styremedlemer:	Thor Horntvedt Cecilie M Helgheim Eivind Reed (kommunal representant)
Varamedlemer:	1. Frode Fagerli 2. Gunnvor Sunde Mariél Eikeseth Koren (vara for kommunal representant)
Valnemnd:	Bjørg Åland Guri Hoddevik Astrid Søreide

Stiftinga Gloppen Frivilligsentral hadde i 2021 tre styremøte, og handsama 23 saker.

4. Økonomi.

Driftstilskot frå Gloppen kommune var for 2021: kr 679 000,-. Gloppen kommune har for 2022 budsjettet med tilsvarende sum. Andre inntekter til frivilligsentralen kjem mellom anna

frå gaver, utleige av lokalet, grasrotmidlar frå Norsk Tipping og vederlag for oppgåver vi løyer for frivillige lag. Kommunerevisjon Nordfjord er Stiftinga Gloppen Frivilligsentral sin revisor. Rekneskap vert utført av Accountor Reknesakskontoret Gloppen AS.

5. Aktivitet:

- Middagskjøring går med same omfang som tidlegare. Det vil sei at tre sjåførar året rundt kører ut middag til Breim og området rundt Gloppefjorden. Slik kan heimebuande eldre eller andre som treng, få varm middag køyrt heim.
- Dagaktivitetstilbod og møteplassar for eldre i samarbeid med Gloppen kommune Ein kommunalt tilsett har fagansvar og saman med fleire frivillige har dei planlagt, organisert og gjennomført møteplassar på dagtid.
 - o Onsdagstreff
 - o Fredag på Myra
 - o Turgruppe
 - o Torsdagsgruppe
- Treningsgrupper «Sterk og stødig» der frivillige instruerer etter opplæring og oppfølging frå kommunal fysioterapeut. Dette tilbodet har vore delvis stengt grunna koronarestriksjonar
- Besøksvenner
 - o Besøks-/turvenn
 - o Aktivitetsvener er frivillige som yter tenester til personar med demens
 - o Lesevener i samarbeid med Gloppen Folkebibliotek
- Nattevandring
 - o foreldre til elevar ved Gloppen Ungdomsskule har gått nattevandring fredagar og laurdagar vår og haust
 - o foreldre til elevar ved Firda vgs har gått nattevandring ved Gimlefest
- Strikkekveld samlar ein fin gjeng damer i ulik alder og ulik bakgrunn.
- Språktreff på opplæringssenteret: i samarbeid med programrådgjevar på NAV har frivillige vore medhjelparar på språktreff som del av opplæringa på Gloppen Opplæringssenter.
- 8.mars blei markert utandørs på Heradspllassen med fengande appellar, flott musikk og diktlesing i stemninga frå faklar og bålpanner.
- Konsert med Stardalen mannskor med fleire 21.oktober arrangert av Gloppen Pensjonistlag. Her fekk vi ta del og legge til rette for at frivillige tok med seg eldre eller andre som ikkje so ofte deltek på konsert i Trivselshagen. Meir enn 300 publikummarar storkosa seg til flott underhaldning i godt lag!
- FNs internasjonale frivilligdag har vi lang tradisjon for å markere. I 2021 slo vi denne saman med feiring av 30.års-jubileum og inviterte både frivillige og samarbeidspartar til flott feiring.
- Julekveldsfeiring i Trivselshagen blei arrangert for andre gang og vi håpar at det er i ferd med å bli ein etablert tradisjon. Julefeiringa er med tradisjonell julemiddag, underhaldning, julesangar, sosialt samvær og gaver.

I tillegg tek frivilligsentralen på seg ulike oppgåver for frivillige organisasjonar, td. ta imot påmeldingar, organisere skyss, sette opp vaktlister med meir. Det har vore nokre møteplassar og aktivitetar som vi ikkje har fått gjennomført grunna koronarestriksjonar, td. Rusfri 16.mai-natt og søndagskafear på omsorgssenteret.

Vi vil rette ei stor takk til frivillige som i denne vanskelege tida har stilt på, vore fleksible og ytta ein ekstra innsats når det har vore nødvendig.

6. Rekruttering og oppfølging av frivillige

Vår viktigaste jobb er å ivareta dei frivillige slik at det blir godt å yte frivillig innsats i Gloppen. Slik håpar vi å halde dei lenger i teneste og godt omdøme og positiv omtale frå frivillige gjer det også lettare å rekruttere nye ved behov. Opplæring og oppfølging av frivillige har vore eit satsingsområde i 2021. Det har vore gjennomført kurs for aktivitetstvener og gjennomført oppfølgingssamtalar.

7. Deltaking på kurs og fagsamlingar

Tilsette har delteke på møter i Nettverk for frivilligsentralar i Nordfjord. Dei har også delteke på ulike nettverksmøter/inspirasjonssamlingar arrangert av Norges Frivilligsentral.

8. Arbeidsmiljø.

Det har ikkje vore registrert ulykke- eller skadetilfelle i 2021. Dagleg leiar har vore sjukmeldt frå oktober 2021 til februar 2022. Sjukmeldinga står i samanheng med utfordrande arbeidsvilkår for dagleg leiar. Opgåvane som skal gjennomførast har tidvis vore store og mange i høve til stillingsressurs ved sentralen. Dette er tilhøve som bør utbetraast og som styret tek med seg vidare.

9. Årsresultat.

Det framlagde rekneskapet for 2021 viser eit overskot på kr 29 598. Det til tross for at det ikkje blei søkt om momskompensasjon i 2021. Balanserekneskap pr. 31.12.21, syner eit rett bilet av den økonomiske situasjonen ved årsskiftet og for drifta 2021.

10. Sluttord.

Det er eit stort frivillig engasjementet i Gloppen kommune. Det er dei frivillige og deira innsats som gjer frivilligsentralen levedyktig. Gloppen Frivilligsentral si oppgåve er å ta vare på dei som vil yte frivillig innsats - både enkeltpersonar og samarbeidande lag og organisasjonar. For frivilligsentralen er det viktig å halde på og utvikle det gode samarbeidet vi har med dei frivillige, med lag og organisasjonar og med Gloppen kommune. Vi vil rette ei stor takk til alle som har gjort frivillig innsats! Vi vil også takke våre samarbeidspartar og dei som har støtt oss praktisk eller økonomisk.

Sandane, 4.april 2022



Anders Ryssdal
Styreleiar



Else Tystad


Else Tystad
Nestleiar



Eivind Reed
Styremedlem



Thor Horntvedt
Styremedlem



Cecilie M Helgheim
Styremedlem



Elfrid Rauset Håheim
Dagleg leiar